

Te Reo Matatini Kaupae 1

Te Pūrongo Aromatawai ā-Waho 2025



Te Marautanga o Aotearoa
 Te Rā Aromatawai
 Te Momo Aromatawai
 Te Paerewa Paetae

Te Reo Matatini – Te Reo Whakaputa
 29 o Oketopa 2025
 He Kete Manarua
32415

Te Wāhanga 1: He Tirohanga Whānui

Kete Manarua – He kohikohinga taunakitanga ā te ākonga i te roanga ake o te tau, ā, ka ahu mai ngā taunakitanga i ngā kaupapa huhua nā te ākonga rānei, nā te kaiako rānei i whakatau hei mahi tuhituhi, hei mahi kōrero hoki mā te ākonga.

Mō ngā ākonga e rumakina ana ki te reo Māori tēnei momo aromatawai ā-waho. Ka uaua rawa ki ngā ākonga kāore i te ako mā te reo Māori. Mātua whakarite ngā ākonga kia waia ai rātou ki ngā pūkenga Reo Matatini; tuhituhi me te kōrero.

Te Wāhanga 2: Te Paerewa me te Kete Manarua

32415: Ka whakamahi i te reo kia tutuki ai tētahi pūtakenga whakawhiti kōrero, tuhituhi hoki.

Te Tirohanga:

Mātua rā te kite i ngā tini kaupapa i whakahuaina e ngā ākonga. Ko ngā kaupapa kōrero/tuhituhi i puta mai, i tohu i te ora o te ao o te rangatahi. Kei runga noa atu ngā taumata whakaaro i hua mai ai i ngā taunaki tuhituhi, i ngā taunaki kōrero hoki a ngā ākonga.

Kia piri atu tēnei aromatawai ā-waho ki paerewa kē rānei, ki paerewa paetae kē rānei ki raro i te kaupapa kotahi. Ko te whakamahi i te reo kia tutuki ai tētahi pūtakenga whakawhiti kōrero, tuhituhi hoki ki ngā whakaaro ake a te ākonga, Nō reira, kia āta whakaarohia te kaupapa kōrero/tuhituhi rānei, kia kaua e pahupahu noa. Kia āta wetewete i ngā paearu mahi o te paerewa me tōna hāngai ki te kaupapa i tuhia, i kōrero hoki ko te painga atu tērā.

Pūrongo Paerewa Paetae:

Ko ngā ākonga i **whakawhiwhia** ki te Paerewa nei:

- i whakaatu māramatanga ki te kaupapa i tuhia, i kōrerohia rānei.
- i whakaatu i te whanaketanga mai o te whakaaro i roto i ngā tuhinga/kōrero.
- i ū katoa ki te reo Māori mō te roanga o te kōrero, te katoa o te tuhinga rānei.
- i tika te whakaraupapatanga o te tuhinga - te whakamahi kōwae me ngā kārawarawa e tika ana mō te tuhinga.
- i whai raupapa te kōrero hei whakawhānui i ngā whakaaro o te ākonga.
- i whakamahi whakataukī, kīwaha hei whakaniko i te kōrero, i te tuhinga rānei, ā, i hāngai rawa ki te kaupapa.
- i tika te reo ā tinana me te āhutanga o te tuku - i tū ki te kōrero, i whai hoki i te reo ā ringa (tūone) hei whakaniko i te kōrero.
- i kaha te reo, kahore i tapepe - ka piki, ka heke hoki te kahaoro.
- i whakamahi i te reo peha hei whakaniko i ngā kōrero, me te reo more hei whakahāngai i ngā whakaaro.

Ko ngā ākonga **kāore i whakawhiwhia** ki te Paerewa nei:

- he nui ngā hapa tātaki kupu.
- kahore i whai whakaaro, whakawhānui whakaaro rānei mō te kaupapa.
- i kōrero, i tuhituhi rānei i te reo Pākehā.
- kāore te kōrero i eke ki te 1-2 meneti.
- e pānui ana te ākonga i tana kōrero.
- kāore i tika te reo ā tinana, i te noho kē ki te tuku kōrero.
- kāore i tika te whakaraupapa tuhinga - te whakamahi kārawarawa, kōwae rānei.
- kāore i whakamahi i ngā āhutatanga reo; reo peha, reo more, rere āhua, kīwaha, whakataukī, kupu whakarite aha atu aha atu.
- kāore i tika te whakahua kupu, i te whāngai kupu kē tētahi atu ki te kaikōrero.